

觅月集

Velikaya Scarlet / 赤川晴岚
2017-2019 年所写，2025 年夏整理成册
velikayascarlet@gmail.com

序言

《觅月集》者，余高中时所作诗词之辑也。此集名曰「觅月」，亦有所寓。忆昔高中岁月，诸多所愿，皆不可得。常怀怅惘，曰：「明明如月，何时可掇？」此情久积于胸，致「忧从中来，不可断绝。」几载之间，如逐月之人，冀其光辉洒身，盼其温柔临心；然追之不得，终归暗淡。月不可掇，梦亦难圆，故以「觅月」名之，以志其志未遂，情难却也。

高中所作虽丰，然非尽录。盖当时习作，多涉稚嫩，今视之愧颜，不忍公之于世，故多屏弃。

然亦有律未严、字句未工者，余犹存之。以其情真意切，诚不可弃也。诗贵传情，工拙次之。又词中偶有律外一二字，意已达矣，若为格而伤意，适得其反，故不改。

全集分为七节，各有所主：

一曰“行走世界”，记旅途中之所历、所思，情景交融，步履入诗；

二曰“你好，我的朋友”，寄语旧交，或温柔，或短促，皆真情也；

三曰“高中，我不喜欢”，记困厄岁月之所感，愤懑反思，形于诗句；

四曰“风物，节日和感怀”，因时节、风俗而生情，或伤春悲秋，或怀旧感事；

五曰“明明如月”，写念不可得者，如月之明，望之不及，情最缠绵；

六曰“拟古”，仿古而作，意在追怀。或登楼以望帝阙，或怀古以叹兴亡；

七曰“悲伤的我”，记低谷之感，孤独迷惘，盖青春之必经也。

诗云：思无邪。虽篇章未工，然愿读者以心视之，庶不负青春之一梦耳。

1 行走世界

下江南

2018 年 6 月

不乘飞机不坐船，我随烟雨下江南。
风为鞍鞴云作马，扬子江头醉华筵。

从杭州北上南京

2018 年 6 月

仍然有一些不合格律的字，鉴于这是早期作品，就算了。

烟柳画桥三吴会，奔乘御风目渺汤。
星迎石拱观夜景，月待危楼览京杭。
雄丽金陵披华裳，何惜锦绣武林乡！
即从运河穿江水，便下钱塘向建康。

游颐和园

2018 年 7 月

柳垂山秀碧波清，鱼跃蝉鸣舞蜻蜓。
十里莲开江南景，轻歌曼舞画中行。

忆江南·故宫

2018 年 11 月

烟波涌，日映赤门红。
廿纪繁华千般事，两朝兴败已随风。
玉楼珠殿空。

徐州

2019 年 4 月

该诗虽有部分字不合格律，但自觉情感真挚，故不做更改。

自古苏北第一州，坐断淮海居下游。
五省通衢占要地，三山环抱胜石头。
霸王戈甲散垓下，温侯画戟断白楼。
多少英雄消磨尽，唯有江河万里流。

2 你好，我的朋友

浣溪沙·盼聚

2017年10月

面向帝京瞻蓟侯，旧都又盼几重游。南朝粤地望穿头。

雁塔杨陵寻旧味，灞桥柳岸待新酬。风生谈笑帝王洲。

西江月·应涅普君邀而作

2018年6月

涅普君，皖人也。其人天才，与芙未酱不相上下。音游能战八方大佬，诗词可压四路神仙。鄙人自愧不如，难以望其项背，故作。

灯亮桌前浊酒，雨侵河畔金楼。断桥边上月星流，风卷珠帘高秀。

白絮已成苍狗，晴川碧水依旧。雨惊雷变不回头，只顾扬鞭振袖。

酬晴岚帝都初逢席上见赠

2018年7月

七月十九日，晴岚与芙未，涅普，静叶聚于帝都。念晴岚为客，又高考失利，故轮作诗一首。

炎城急雨来还去，王蓟华灯散又逢。
几日通达临阙下，十年掠过莅宫中。
长情将叙谁能抑，短恨当歌莫可容。
此载圭辉昆坼处，来年必定取交通。

赠郝堂主之飞克拉玛依

2018年8月

郝一博，残梦堂堂主也，今飞克拉玛依，故作诗一首赠之。

虽该诗不合格律，但自觉情感真挚，故留之。

海北云飞半遮天，孤城横过玉门关。
迢迢银汉明西北，耿耿星河曙边山。
西域虽多胡地火，远疆亦腾汉家烟。
君在克城知秋意，天涯何处不中原。

临江仙·未见碱金属

2018年10月

天南海北鲜逢见，平生难聚难分。
只期故里酒重温。遍插茱萸处，却道少一人。
云聚鸿飞心归去，可识城外琴音？
日光薄薄渐西沉。新春花更好，辞岁再迎君。

闻郭同学北上太原遥有此寄

2018年10月

现在看来，写的并不好。但还是留着这首吧。

中州学子赴太原，望断群山恨难还。
龙城几月落银屑，北国何时放纸鸢。
沧海飞燕空啼已，玉珠宫女独摇船。
劝君莫恋汾河谷，四年应取珞珈山。

3 高中，我不喜欢

浣溪沙·高三初

2017年10月

课业繁多万岫堆，身疲心累渐神颓。八百日夜未流回。

何事能得浮世乐？独行小径断红归。长亭望雨渡舟没。

浣溪沙·高三初（乙巳修订）

2017年10月

课业繁多万岫堆，身疲心累渐神颓。韶华八百去难回。

幽径独行残蕊落，长亭望雨渡舟微。何时得享世间晖。

浪淘沙·十二月初

2017年12月

圆月挂危楼，霜草含羞，残枝摇曳影稠稠。

燕去雁来无止意，花褪谁收？

数载已空流，轻抚额头，书山一摞几时休。

北斗启明朝暮伴，看遍春秋。

临江仙·第十二周

2018年3月

浮生百年如水逝，难离几叠悲怆。

西风瑟瑟扫茶凉。秀芳开又谢，满目更苍茫。

三载春秋一场梦，空留漫恨尘窗。

只觉年少当轻狂。未央萦我梦，白马赏华廊。

浣溪沙·报名

2018年3月

吴地好颜人漫看，叶旁门外茂柳前。闲游小道步留园。

烟过波间池水满，花飞桥底绿枝攀。万家秀丽属清潭。

望海潮·毕业

2018年6月

民高一遇，白驹掠影，三年流水匆匆。

阳显柳舒，霖泽苇起，雀啼廊下酣翁。

星耀影旁松，月明花间路，北斗相从。

风雨兼程，我度清梦帝京中。

仰瞻万里晴空，有西南霸者，椒殿三宫。

飞华望水，凌波意彼，各奔锦绣西东。

往事在南汀，但知行好事，莫问前程。

华宴风流散去，人尽曲渐终。

蝶恋花·新月

2019年1月

暗暗晨星枝密密，对酒当歌，歌断长街寂。

默想平生事多起，我身尽误迟高第。

满纸诗文谁为寄，海角天涯，却不知何地。

欲把前尘归梦里，笔停又念当年意。

临江仙·前夕

2019年5月

百种娇花千种媚，佳人浅笑盈盈。

残红两片付西风。万般情难了，酒醒泪光莹。

仍记当年离别日，天高云淡波清。

几多旧念已流东。笔封寻乐去，何处再相逢。

4 风物，节日和感怀

九月五日凌晨又雨难眠而作

2017年9月

夏暑几消秋未满，雨寒山净小阶清。
古人多在此间作，我叹泥深步难行。
倚枕斜看风掠叶，神思遥拾落花声。
辗转来去难入睡，明日云开又见晴。

临江仙·小道行

2017年11月

归路偶经萧瑟处，繁花不再心惊。
恍知寒季也无情。碧顷已褪尽，空响掠枝声。
浮生六纪多少事，看它潮起潮平。
但行今世与来生。山高流水处，天际送归鸿。

蝶恋花·戊戌春节

2018年2月

天地风霜方尽去。锦绣山川，莺咏新枝处。
漫步花丛行小路，所渡皆裹晴芳舞。
往岁不堪无再虑。旧事当辞，来把新词赋。
今载风光不必语，福弥六合春盈户。

青玉案·八月十八日大暴雨

2018年8月

八月十八日所降之雨，乃一九七六年来最大，故作词一首纪念。

初秋淫雨吞没步，泻银汉，如天沐。过户寒珠难止住。滂沱半日，雨横风舞，总有归来处。

银丸密密织烟幕，有人欣怡有人顾。寂寞长更谁与度？一帘幽梦，两潭清潋，飞羽寻君路。

忆江南·兰

2018年11月

兰烬败，短步过青台。
一片丹心朝日去，两条幽径落根来。
暗恨未消埋。

冬日忆金陵

2018年12月

金陵曲断王气终，人去楼空日自红。
今夏相逢冬复忆，忆罢又敲眼前钟。

忆江南·烟火

2019年2月

华光舞，窗外绽无垠。
一盏金波祭四海，半瓢清水遗江河。
别笑我情多。

忆江南·除夕

2019年2月

除夕至，往事不堪说。
三载磨折得此日，四年风月尽蹉跎。
新岁唱陈歌。

春来

2019年3月

轻寒未尽花已开，庭深园浅香入怀。
群山点翠春至也，迎风细柳为谁栽？
魂失危楼朝月望，梦越关河向星来。
情长纸短寄不去，芳思难禁粉红腮。

5 明明如月

临江仙·什么时候才能放下

2017年9月

长叙我心酬苦恨，浮生愁意难言。
红襟难比尔台贤。世无知我者，庭叶自萧然。
万万千千学最重，由她来去随缘。
歪松冰露去年间。往今皆伴水，风雨落花天。

诉衷情·愚人节失眠又感叹单身

2018年4月

小城芳岁已觉炎，抛却初月寒。
表城一寸柔处，已是意中媛。
正夜半，寂难言，月独怜！
无人意我，伶仃数载，孤枕难眠！

虞美人·戊戌端午再叹单身

2018年6月

少年不解龙腾曲，漫看窗边雨。
影孤身寡恨宵长，圣手难书灯下黯然伤！
奈何赤袖无心度，路难达丹府。
矮穷矬狗被人嫌，整日如斯真是好得怜！

眼儿媚·八月初

2018年8月

往夏青莲舞心柔，深夜月如钩。
扇扑萤走，暖风悠水，两点沙洲。
如今往事难重省，皆愿向东流。
昔人不再，梦中新客，泪浸枕头。

浣溪沙·八月十四日凌晨大雨作

2018年8月

绿鬓娉婷过浅溪，星眸微转峨眉移。轻云蔽月鬼神迷。

只见纤云迎二宿，哪轮鹊索载白衣？长更寂寞待佳期！

浣溪沙·晚秋长叹

2018年11月

风去雨离天景深，高台独立近黄昏。寒烟落日浸重云。

梦里玉容思旧客，楼前秋色勾离魂。何时收拾齷齪身？

浣溪沙·晚秋再叹

2018年11月

日日思君留梦前，频频念汝忆容颜。人生只道无清欢。

三尺红桌宽似海，一寸指距阔如天。几时携手入长安。

6 拟古

北望

2018年4月

北顾燕山望帝阙，长锋在手纵豪情。
紫宸飞举冲霄汉，六骏驰驱碧宇清。
初上华灯闲步行，倚窗坐看北辰明。
恰逢海内升平世，璀璨星河拱凤城。

九国

2018年5月

长安龙虎地，建业帝王州。
江纳三峡势，渭容千里舟。
三朝冠剑没，七代鼓鞞休。
波碎潭中月，孤舟镜上游。

漠北

2018年12月

北去辞京阙，长驱报汉庭。
星辉临西域，烽火照胡亭。
夜进三千里，朝摧万虏旌。
单于擒获日，大漠我纵横。

7 悲伤的我

江城子·昨日深夜外出风大作

2017年10月

亥时披褂短车行。事频惊，意难平。
万语藏心，夜冷少人听。
独步站台风大作，泉寂寂，丧未停。
明星耀月映孤清。暗云经，隐身形。
食炙方温，唯有旧都情。
便化东河皆是水，流不尽，恨千层。

夜作

2018年4月

该诗虽有一些字不合格律，但念在情感真挚，故保留。

孤灯暗雨天未明，夜梦早醒乍翻情。
泪落枕间洒心去，愁拥心底断肠倾。
风寒染身挥不净，为何蒹葭弃旧朋？
唯有故都音容在，以碱拭目缓步行。

定风波·置枕

2018年10月

移首憔悴望北窗，寒星坠地点白霜。
明月缀空唯夜永，泪涌。前尘念断梦魂伤。
愁苦艰难凝恨处，哭诉。惨哀悲郁过心床。
今夜灵归何处去？无路。谁人能解我沧桑。